


CENTRO JUVENIL TANKI LEENDERT TA BIRANDO UN JOYA



ORANJESTAD [AAN] Recientemente a keda finalisa e construccion di e fence pa e cancha di deporte na Centro Juvenil Tanki Leendert.

Cu esaki tambe un otro paso mas a worde realisa den mehoracion di e facilidad aki na Tanki Leendert. Pronto e facilidad aki lo bay worde usa pa practica otro deportenan banda di futbol di sala; tal manera volley y tennis.

Pa loke ta trata e cancha aki tambe ta e intencion pa pronto bin cu un tribuna pa di e manera ey tin mas facilidadnan pa e fanaticonan por sigui e weganan y tambe pa otro actividadnan. Pa realisacion di e fence aki Directiva di Centro Juvenil Tanki Leendert kier a gradici Fundacion Lotto pa Deporte y Fundacion

Landslotterij pa e sosten financiero di e proyecto specifico aki y tambe Sr.Fanchi Rosel y voluntarionan cu a percura pa ejecucion di e proyecto aki.

Directiva di Centro Juvenil Tanki Leendert kier a haci uso di e oportunidad aki pa comunica na pueblo di Tanki Leendert y vecindario en particular y di Aruba en general cu e proyecto di e edificio pa un centro na Tanki Leendert ta yegando su punto final den e dianan venidero y lo bay tin entregamento di yabi door di e Constratista Arends Construction.

Cu esaki tambe un soño mas a bira realidad. Directiva ta spera cu e pueblo di Tanki Leendert y vecindario lo bay haci bon uso di tanto e cancha como e edificio.